


ORASAUN BA SANTÍSSIMA TRINDADE

Oh Trindade divina, Aman, Oan no Espíritu Santu,
prezente no serbisu iha Kreda no iha ha'u-nia klamar
ha'u adora Ita, agradese Ita, hadomi Ita!
No hodi Maria Santíssima nia liman, ha'u-nia Inan,
ha'u oferese, saran no konsagra ha'u an tomak,
iha moris ne'e no ba moris rohan-laek.
Ba Ita, Aman Lalehan, ha'u oferese, saran
no konsagra an nu'udar oan.
Ba Ita, Na'i Jezús, ha'u oferese, saran no konsagra an
nu'udar maun/alín [feton/alín] no dixípulu.
Ba Ita, Espíritu Santu, ha'u oferese, saran no konsagra an
nu'udar «templu moris nian»,
atu bele sai konsagrada/u no santifikada/u.
Oh Maria, Kreda nia Inan no ha'u-nia Inan,
ne'ebé moris iha prezensa Trindade divina nian,
hanorin ha'u moris, liuhusi liturjia, iha komuñan íntima ho Pessoa Divina na'in tolu,
nune'e ha'u-nia moris tomak sai «glória ba Padre, ba Filho no ba Espíritu Santu» ida. Amén.



(Beatu Giacomo Alberione)

ROZÁRIU TRINITÁRIU

Mistériu 1:

Iha primeiru mistériu ita kontempla Maromak nia domin kbiit uain no matenek ne'ebé kria lalehan no rai tomak atu komunika ninia laran-di'ak, lia-loos no beleza.

Leitura: « Uluk liu Maromak hakiak lalehan no rai » (Gen 1,1).

Ami Aman, Ave Maria 10, Glória ba Padre 3

Hotu: Glória ba Padre ne'ebé kria ita, glória ba Oan ne'ebé salva ita, glória ba Espíritu Santu ne'ebé santifika ita.

Símbolu dahuluk atu lori: Bee no rai.

G: Oras ne'e ita-nia maluk ida sei lori ba oin buli ida ho bee no ai-oan ida ne'ebé simboliza Aman nia kriaun. Ita agradese Aman Maromak tanba kria ita no halo ita sai ninia oan sira.

Knananuk: Ita hotu agradese

Mistériu 2

Iha segundu mistériu iha kontempla Trindade ne'ebé manifesta an iha transfigurasaun: «Aman iha lian, Oan iha mane makso'in, Espíritu iha kalohan nabilan »

Leitura: «²Liu tiha loron ne'e, Jesus lori Pedro, Tiago no Joao mesa-mesak ba foho aas ida. Nia nakfila An iha sira nia oin. ³Nia hena sira sai nabilan, mutin teb-tebes hanesan neve; ema ida iha rai ne'e la bele halo mutin liután. ⁴Hafoin Moises no Elias mosu ba sira hodi koalia ba Jesus. ⁵Pedro hahú ko'alia, dehan ba Jesus, "Mestre, di'ak liu ita horik ona iha ne'e! Ami halo taka-baluk tolu; ida ba Ita, ida ba Moises no ida ba Elias." ⁶Basá nia la hatene atu dehan sá loos, tan sira t'auk teb-tebes. ⁷Kalohan ida tun mai, taka sira. Husi kalohan ne'e sira rona lia ida dehan, "Ida-ne'e mak Ha'u Oan doben. Imi rona Nia bá!" » (Mc 9,2-7).

Ami Aman, Ave Maria 10, Glória ba Padre 3

Hotu: Glória ba Padre ne'ebé kria ita, glória ba Oan ne'ebé salva ita, glória ba Espíritu Santu ne'ebé santifika ita.

Mistériu 3

Iha terseiru mistériu ita kontempla Jezús ne'ebé livremente oferese nia moris nu'udar sakrifisiu ho obediénsia tomak. Oan nia domin to'o mate ida-ne'e mak hadame humanidade tomak ho Aman.

Leitura: «Aman hadomi Ha'u tanba Ha'u saran Ha'u-nia moris atu simu fali nia. ¹⁸Ema ida la hasai Ha'u-nia moris husi Ha'u; hodi Ha'u rasik nia hakarak mak Ha'u saran moris ne'e. Ha'u iha kbiit atu saran Ha'u nia moris, no mos iha kbiit atu simu fali nia. Ida-ne'e mak ukun-fuan ne'ebé Ha'u simu husi Ha'u Aman» (Jo 10,17-18).



Ami Aman, Ave Maria 10, Glória ba Padre 3

Hotu: Glória ba Padre ne'ebé kria ita, glória ba Oan ne'ebé salva ita, glória ba Espíritu Santu ne'ebé santifika ita.

Símbolu daruak: Krús

G: Oras-ne'e ema ida sei lori krús ida ba oin nu'udar agradesiemntu ba Oan ne'ebé hodi nia mate soi ita. Símbolu ne'e atu hatudu krús ne'ebé ita ida-idak tenke lori iha nia moris loroloron nian.

Knananuk: Ne'e ita dalan

Mistériu 4

Iha kuartu mistériu ita kontempla Kristu nia moris-hi'as. Pessoa na'in tolu serbisu hamutuk: Aman ho nia kbiit; Oan "foti hikasfali" moris ne'ebé nia oferese livremente iha isin no klamar, ne'ebé Espíritu hamoris no glorifika.

«Tansá imi buka ema moris iha mate sira leet? ⁶Nia la iha-ne'e; Nia moris hi'as ona! Imi hanoin fali oinsá Nia ko'alia ba imi, wainhira Nia sei iha Galileia, dehan: ⁷Ema sei saran Oan-Mane ba maksalak sira liman, ne'ebé sei hedi Nia ba krús; liu lora tolu, Nia sei moris hi'as'» (Lc 24,5b-7).

Ami Aman, Ave Maria 10, Glória ba Padre 3

Hotu: Glória ba Padre ne'ebé kria ita, glória ba Oan ne'ebé salva ita, glória ba Espíritu Santu ne'ebé santifika ita

Mistériu 5

Iha kintu mistériu ita kontempla Espíritu Santu ne'ebé hasuli ba Maromak nia oan sira nia fuan Santíssima Trindade nia moris rasik ne'ebé konsiste iha hadomi nu'udar Nia hadomi ita. Domin ne'e mmak prinsípiu moris foun nian iha Kristu, ne'ebé sai posivel tanba "Espíritu Santu nia kbiit".

«Esperansa halo ita laran la nakraik, basá Maromak nia domin fakar tiha ba ita-nia fuan husi Espíritu Santu nebe ita simu ona» (Rm 5,5).

Ami Aman, Ave Maria 10, Glória ba Padre 3

Hotu: Glória ba Padre ne'ebé kria ita, glória ba Oan ne'ebé salva ita, glória ba Espíritu Santu ne'ebé santifika ita

Símbolu datoluk: Ahi

G: Maluk ida sei lori lilin lakan ida, simboliza Espíritu Santu ne'ebé santifika no gia ita, ih amoris loroloron, tuir Na'i nia dalan.

Knananuk: Vem Espírito de Deus, vem sobre mim